

Naissença

Vaquí l'istòria de ma maire
que se cercaba un amorós,
plan polidon, plan polisson

Ela rencontrèt un trobaire
que li escrivèt un soneton,
plan polidon, plan polisson

E rencontrèt un violonaire
que li joguèt un rigodon,
plan polidon, plan polisson

Puèi rencontrèt un bon cantaire
que li cantèt una cançon
plan polidon, plan polisson

Enfin rencontrèt un dançaire
que li balhèt mila potons,
plan polidon, plan polisson

Finalament sus aquel aire
ièu nasquèri tot petiton
plan polidon, plan polisson